

Isumaginninnermut Inatsisinillu Atuutsitsinnermut  
Naalakkersuisoqarfik  
ian@nanoq.gl

Marlunngorneq 30. juuni 2020

## Nakutilliiartornermit nalunaarusiaq pillugu tusarniaanermut akissuteqaat - Siusinaartumik pensionisiat

Nakutilliiartornermi nalunaarusiamut nassiunneqartumut  
qujanarujussuaq.

Suliat aalajangersimasut nassuiaammi qupp. 9-13 innersuussutigalugit  
malitseqartinneqassapput.

Akissuteqaammi ataaniittumi nalunaarusiami periaaseq  
immikkoortukkaartoq malinneqassaaq tabel 5-imullu  
oqaaseqaateqartoqarluni.

### Tabel 5

Piffissaq suna kisitsisinik kissaateqarfiunersoq matumani ersernerluppoq.  
Tabel 5-imi marsip aallaqqaataani 2019-imi iluarsartuusseqqinneq  
atuutilermalli siunnersuinerit kajumissaarinerillu qassiunersut  
taaneqarput. Siusinaartumik pensionisiaqarnermut tunngasunik  
iluarsartuusseqqinneq juunip 30-anni 2016 aallarnerfigalugu  
atuutilersinneqarpoq. Kisitsisit piffissamut sorlermut tunngasut  
naatsorsorneqassappat? 2019-ip naalerneranut tunngasut pineqarpat?  
Piffissamik killilersuutit amigaataajuaannarnikuupput.

Immaqalu aamma VMF aamma Campus tabel 5-imi  
akulerunneqarsimagunarput (kisitsisit piginnaangorsaaqqiinnermut  
tunngasut tassaapput Campus-imut tunngasut). Taamaattumik tabel 5  
nutarterneqarpoq piginnaangorsaaqqiinnermillu ingerlataqarsimanerit  
qassiuneri peerneqarlutik, taakkunani sivisuumik  
suliffissaaleqisuusimasut Campusimik ingerlataqarsimasut pineqarmata.

### Tabel 5. Piffissami 2016-2019-imut VM-imik ingerlataqarsimasut. (2020-mi VMF: 2)

Majoriami neqeroort

Katillugit

 KOMMUNEQARFIK  
SERMERSOOQ

*Isumaginninnermut  
Suliffeqarnermullu  
Ingerlatsivik  
Forvaltning for Velfærd  
og Arbejdsmarked*

Imaneq 34  
Postboks 1005  
3900 Nuuk  
Grønland  
[si@sermersooq.gl](mailto:si@sermersooq.gl)  
[sermersooq.gl](http://sermersooq.gl)

Tlf. +299 36 74 00

Man. - ons. ....kl. 10 -  
15  
Torsdag .....kl. 12 -  
17  
Fredag .....kl. 10 -  
12

GER-nr. 5790002292996

VM-imik ingerlanneqarsimasut amerlassusaat	15
Siusinaartumik pensionisiallit/qinnuteqartut amerlassusaat, 31. decembari 2019-imi VM-imik ingerlataqarnermikkut naammassinnissimasut	113
Siusinaartumik pensionisiallit/qinnuteqartut VM-imik ingerlatsisut amerlassusaat	0
Siusinaartumik pensionisiallit/qinnuteqartut suliffimmik misiliinermik ingerlatsillutik naammassinninnikkut amerlassusaat	27
Siusinaartumik pensionisiallit/qinnuteqartut sulineramik misiliillutik ingerlatsisut amerlassusaat	5
Siusinaartumik pensionisiallit/qinnuteqartut piginnaanngorsarnermik ingerlatsisut amerlassusaat	0

***Immikkoortoq 0 Kommune tamakkerlugu akimortumik kommunimi tamarmi periusissiaqassaaq***

Siusinaartumik pensionisinissamat tunngasunik nalileeqqittartut ullut 14-ikkaarlugit Majoriami suliffeqarfinnut siunnersortinik VM-imik, piginnaanngorsaaqqinermik allanillu ingerlataqartunik ataatsimeeqateqartarput, ingerlataqarnerit nalaanni aporfissaqartoqannginnissaa qulakkeerniarlugu. Ullut 14-ikkaarlugit ataatsimiinnerni aamma aqutsisut peqataasarput, aammalu ataatsimiinnerni ajornartorsiutit allat, pitsanngorsaatissatut siunnersuut aaqqiissutissallu eqqartorneqartarlutik.

***Sullissisut tamarmik inatsisitigut piumasaqaatigineqartunik isumaginninnikkut naammattunik piginnaasaqarnissaat kommunip qulakkiissavaa.***

Matumani nakkutilliiartortup innersuussutigaa, kommunip nammineq inatsisilerituumik siunnersueqateqartarnissaa. Tamanna akulikitsumik ingerlanneqartassaaq. Aamma ilinniaqqitsitsisarnissaaq sulissutigineqarpoq. Kingullertigut sullissisut innarluutilinnik sullissineq pillugu Danmarkimiipput.

Kisianni oqaatigisariaqarpoq 2016-imi iluarsartuusseqqinnerup kingornagut Namminersorlutik Oqartussat tungaanniit pikkorissartitsisoqarnissaanik neqeroortoqanngimmat, Majoriami sulisut isumaginninnermut tunngasunik suliaqarnermikki unammilligassaqartuaannarlutik, siusinaartumik pensionisiallit amerlanerit VMF-imik, sulineramik misiliinermik piginnaanngorsaaqqinnermillu aqusaagaqartussat tasaanerummata innuttaasut inuunerminni ilungersuanartorsiuteqartut.

***Immikkoortoq 1 Paasisaqarnissamat ingerlaneq***

Nakkutilliiartortut naapertorlugit kommunip innuttaasunik ataatsimeeqateqartannginneragaanera, nakorsamit allagartamik aallerneq



ajornera piginnaasanullu tunngasunik immersuineq ajorneragaanera tupigusuutigeqaarput, tamakkuummata aalajangersimasumik suliarineqartartut.

Tassunga atatillugu erseqqissaatigissavarput, sullissinerit pillugit uppernarsaatit ilaat ESDH systememi, Get Organized-imi toqqortaammata, immaqalu tamanna pissutigalugu nakkutilliiartortut uppernarsaatinik takusaqarsimangitsut.

Winformatikkimi qupp. 904-miittut ingerlatsiviup ilisimasaqarfiginngilai, isersinnaatitaaffiginagilluunniit.

### ***Immikkoortoq 2 Isumaginnittoqarfimmi sulisinnaassutsimik pilersitseqqinneq (matumani oqartussaaffeqarfik pineqarnerluni?)***

Innuttaasut timimik sungiusarneqarnissaat pisariaqartinneqaraangat timimik sungiusarneqarnissaannik neqeroorfigineqartarput.

Atornerluisunut katsorsaaneq pillugu suleqatigiittoqarpoq, taannali neqeroorutaavoq kommunillu innuttaasut pinngitsaalisinnaanngilai.

Innuttaasut qamuuna ilungersuuteqarneri eqqarsaatigalugit oqartussaaffeqarfik tarnip pissusiinik ilisimasalimmit ikiorteqartitsisinnaatitaanngilaq.

### **Immikkoortoq 3**

#### ***Kommuni kajumilernermik pilersitsissaaq aamma killilersuisinnaanermut periarfissiissutinik atuissaaq.***

Innuttaasut ilitersuisumit sianerfigineqartarput, tamatiguunngitsorli, ullormi siullermi holdi aallartisarneqartarmat nukinnillu atuiffiusinnaanani, innersuunneqarsimasullu takkunnissaat piffissaqarfigineqartarluni. Pineqartoq attavigineqarsinnaanngikkaangat isumaginninnermut siunnersorti attavigineqartarpoq. Isumaginninnermut siunnersorti attaveqarpat, aammalu peqquteqarluni takkutinnitsoorpat, innuttaasoq tullianik VMF-eqarnissamut aggersarneqassaaq. Innuttaasoq takkutinnitsoorpat, attavigineqarsinnaanngippallu, isumaginninnermut siunnersorti Oqartussaaffeqarfimmi suleqatigiinnut aqutsisumut allagaqassaaq.

#### ***Immikkoortoq 4 Sulisinnaassutsip procentianik isumaginnittoqarfimmi aalajangersaaneq***

Soorunami sulisinnaassutsimut nalilersuineq pensionisiaqalernissamillu akuersissut imminnut ataqatigiissapput. Taamaattorli nakorsap allagartaliussaani tamanna ajornakusoorsinnaasarpoq, ilaatigut allaqqaannartarmat innuttaasoq sulisinnaajunnaavissimasoq. Tamannalu pissutigalugu kommune tamakkiisumik pensionisiaqarnissamut akuersisararluni.



Tamakkua saniatigut aalajangersimasunik suleriaaseqartoqarpoq, assersuutigalugu nalilersueqqittarnerni, tamakkunani Majoriaq nalilersueqqinnermini isumaginninnermut siunnersortinut nalunaaruteqartarpoq (suliffeqarfimmi siunnersorti peqatigalugu), tassani innuttaasoq akunnerni qassini sulisinnaanersoq nalunaarutigineqartarpoq, tamannalu assigiinngitsunik suliallit ataatsimiititaliaanni suliamik saqqummiussinermi allanneqartarpoq .

### ***Immikkoortoq 5 - Suliffeqarneq***

Suliffeqarfinni namminersortuni, ilaatigullumi pisortani piginnaangorsaaqqiiffissat pissarsiariuminaattarput, siusinaartumik pensionisiallit amerlanerit ilinniagaqarsimangimmata, amerlanertigullu atuarnermikkut amigaateqartarlutik (naqinnernik ilisarinnissinnaannginneq pissutigalugu) taavalu inuttut, tarnikkut peqqissutsikkulluunniit allanik ajornakusoortitsisarlutik. Tamakkorpiat pissutigalugit ikittuinnaat ingerlatsinissaminnik neqeroorut iluatigisarpaat.

Naggasiullugu kommunimi suliffissanik nakkutigisanik pilersitsisoqarnissaanik innersuussut qujassutigaarput. Tassunga atatillugu Kommuneqarfik Sermersuup erseqqissaatigissavaa, kommune akuttunngitsumik innuttaasunik assigiinngitsunik sulisitsisarmat, taakkununga ilanngullugit piffissap ilaannaani sulisussanik piginnaangorsaaqqittunillu. Taamaattorli tamakkununga aallaaviusarpoq, piffissap ilaannaani sulisartut piginnaangorsaaqqittullu siunertalinnik sulisinneqartarmata, piumasaqaatit naapertorlugit suliassanik aalajangersimasunik kivitseqataatinneqartarlutik. Tamatumani aamma eqqarsaatigineqarpoq innuttaasoq isumalimmik allanngueqataatinneqassasoq. Kommune innuttaasunik atorfeqartitsissaguni innuttaasup annikitsunik isumalinnilli aatsaat suliaqartinneqarnissaa aallaavigineqarpat sulisitsissaaq, taamaangippat aningaasatigut suliassanillu naammassinninnissaq illersorneqarsinnaanngimmat.

Ilanngullugu kommune sulisitsisunik pisortani namminersortunilumilu, suliniutinut tapersersuilluartunik suleqateqarluarpoq.

### ***Tamatuma saniatigut***

Ilanngullugu nalunaarutigisinnaavarput, suliffeqarnermut oqartussaaffeqarfimmullu nukittorsaanissamut nalunaarusiaq aallaavittut atorluarneqassamat, pingaartumik siusinaartumik pensionisiallit suliffeqalernissamut qaninnerulersinnissaat siunertaralugu ingerlatsinissaannik pilersaarusiornissaq anguniarlugu. Kommunip malugereerpat suliffissaqartitsiniutitut suliniutit manna tikillugu



iluatsilluarsimasut nutaanik taarserneqassasut, innuttaasut sullinneqartut  
pisariaqartitaat allannguuteqareermata (annertusimmata).

*Inuss. inuull.*

**Suliffeqarnermut Isumaginninnermullu Ingerlatsivik**

